



山海經釋義卷之五

晉 河東郭

璞景純父

著傳

明 澶淵

王崇慶德徵父

釋義

董漢儒學舒父

校訂

中山經第五

中山經薄山之首曰甘棗之山共

音恭

水出焉而西

流注于河其上多柎木其下有草焉葵本而杏葉

或作楮葉

黃華而莢實名曰籜

他落反

可以已曹

音盲

有獸

焉其狀如獸鼠

獸鼠未詳音虺

而文題其名曰斃

音那或作熊也

食之已瘿又

二十里曰歷兒之山其上多檀多

音厲

木是木也方莖而負葉黃華而毛其實如椹

音練或作簡椹木名子名指頭白而粘可以浣衣

服之不忘

已瘿已瞢及不忘見物含醫道且知古人嘗白

草非妄

又東十五里曰渠豬之山其上多竹渠豬之米出

焉而南流注于河其中是多豪魚狀如鮪似鱸赤味

尾赤羽可以已白癬

又東三十五里曰葱壘之山其中多大谷是多白

堊黑青黃堊

音有雜色堊也

又東十五里曰淩

音倭

山其上多赤銅其陰多鐵

又東七十里曰脫扈之山有草焉其狀如葵葉而

赤華莢實實如櫻莢

今櫻木莢似皂莢也

名曰植楮可以已

癩

癩病也淮南子曰狸頁已癩也

食之不昧

是經也兼本草一統志而有之

又東二十里曰金星之山多天嬰其狀如龍骨可

以已瘞

癰瘞也

又東七十里曰泰威之山其中有谷曰臬谷其中

多鐵或無谷字

又東十五里曰檀谷之山其中多赤銅或作檀谷之山

又東百二十里曰吳林之山其中多薺亦營草

又北三十里曰牛首之山今長安西南有牛首山上有館下有水未知此

是有草焉名曰鬼草其葉如葵而赤莖其秀如禾

服之不憂勞水出焉而西流注于滴音如譎詐之譎水是

多飛魚其狀如鮒魚食之已痔衄

又北四十里曰霍山今平陽永安縣廬江濇縣晉安羅江縣河南鞏縣皆有霍

山明山以霍為名者非一矣其木多穀有獸焉其

狀如狸而白尾有鬣名曰肫肫養之可以已憂謂蓄

養之肫普味反

慶昔從先大夫遊平陽之浮山每北望霍山巍

哉高矣談者以其上多大蛇多大木而經未及

但曰肫肫之獸而已因追書以補經之未備

又北五十二里曰合谷之山是多薺音棘未詳

又北三十五里曰陰山亦曰險山多礪石文石礪石石中磨者

少水出焉其中多彫棠其葉如榆葉而方其實如

赤菽菽豆食之已聾

赤菽今赤小豆已聾可以止聾也夫聾耳不聰也其字從龍何龍以角聽故也

又東北四百里曰鼓鐙之山多赤銅有草焉名曰榮草其葉如柳其本如雞卵食之已風

山有草且已風見天之生物必有益未盡棄也而人或不以一事濟物其為棄物孰加焉

凡薄山之首自甘棗之山至于鼓鐙之山凡十五山六千六百七十里歷兒冢也其祠禮毛太牢之

具縣以吉玉縣祭山之名見爾雅其餘十三山者毛用一羊

縣嬰用桑封瘞而不糝桑封者桑主也方其下而銳其上而中穿之加金言作神主而祭以金銀飾之也公羊傳曰虞主用桑

主或作玉

山有靈即神也此不言異怪庶幾正矣太牢吾恐其奢也少牢近之至若桑土中穿而加金此

郭氏所謂作神主而祭盖又禮也然則五方之山祭而近正惟鼓鐙耳是用表出為戒例焉

申次二經濟山之首曰輝諸之山其上多桑其獸

多閭糜其鳥多鵑

音曷似雉而大青色有毛勇健鬪死乃止出上黨也

又西南二百里曰發視之山其上多金玉其下多

砥礪卽魚之水出焉而西流注于伊水

又西三百里曰豪山其上多金玉而無草木

又西三百里曰鮮山多金玉無草木鮮水出焉而

北流注于伊水其中多鳴蛇其狀如蛇而四翼其

音如磬見則其邑大旱

又西三百里曰陽山多石無草木陽水出焉而北

流注于伊水其中多化蛇其狀如人面而對身鳥

翼而蛇行其音如叱呼見則其邑大水

水旱堯湯所不免也而以歸諸蟲蛇吾恐其妄

也然則如何曰物或先氣而知之耳

又西二百里曰昆吾之山其上多赤銅

此山出名銅色赤如

火以之作刀切玉如割泥也周穆王時西戎獻之

尸子所謂昆吾之劍也越絕書曰赤董之山破而

出錫若邪之谷涸而出銅歐冶子因以爲純鈞之

劍及郡冢中得銅劍一枝長一尺五寸乃今所名

爲干將劍汲郡亦皆非鐵也明有獸焉其狀如彘

不昧

而有角其音如號

如人號笑

名曰蠶蜥

上已有此獸疑同名

食之

又西百二十里曰菱音間山菱水出焉而北流注于

伊水其上多金玉其下多青雄黃有木焉其狀如

棠而赤葉名曰芒音忘草可以毒魚

又西一百五十里曰獨蘇之山無草木而多水

又西二百里曰蔓渠之山其上多金玉其下多竹

箭伊水出焉而東流注于洛今伊水出上洛盧氏縣熊耳山東北至河

南洛陽縣入洛有獸焉其名曰馬腹其狀如人面虎身其

音如嬰兒是食人

凡山稱多金玉恐玉蘊石金藏沙未必堆金而

積玉也

武廟已卯慶嘗同知登州蓋近海郡也屬邑棲

霞山多銀穴官府禁焉貧民往往沙中條取竟

日或得銖兩以歸而貨諸市其或犯禁謂之廣

徒意經稱多金玉此類乎不然是空名而駕貨

以啓貪競之端也故備載以為世箴

凡濟山經之首自輝諸之山至于蔓渠之山凡九

山一千六百七十里其神皆人面而鳥身祠用毛

擇用毛色用一吉玉投而不糝

凡神皆當用主是故祭以主正也而曰人面鳥身豈鼓鑿之山獨無是哉且其祠用一吉玉夫王山之常產也投而不精竟將安用則其誕妄不經昭然矣

中次三經蕝

音倍或作獻

山之首曰敖岸之山其陽多

瑇瑁之玉其陰多赭黃金神熏池居之是常出美

玉

或作玉

北望河林其狀如蓍

音備如舉皆說者云蓍舉皆木名也未

有獸焉其狀如白鹿而四角名曰夫諸見則其

邑大水

敖岸之山以其陰多赭黃故遂以為金神居之

蓋流俗之見君子不道也不然山有赤銅赤石

或赤玉則又將以為火此居之乎

又東十里曰青要之山實維帝之密都

天帝曲北密之邑

望河曲

河千里一曲一直也

是多駕鳥

駕音加未詳或曰駕宜為駕駕也

南

望墀渚

墀音填水中小洲名渚

禹父之所化

鯀化於羽淵為黃熊今復云在

此然則一已有變怪之性者亦無往而不化也

是多僕纍蒲盧

僕纍蝸牛也爾雅曰

蒲盧者蟪蛉也魍武羅司之

魍即神字武羅神名

其狀人面而豹文

小腰而白齒

或作首

而穿耳以鐻

音渠金銀器之名未詳

其鳴



如鳴玉如人鳴是山也宜女子吟音水出焉而北

流注于河其中有鳥焉名曰鵙音如窈窕之窈其狀如鳧

青身而朱目赤尾食之宜子有草焉其狀如蕞音

也茅而芳莖黃華赤實其本如藁本根似藁本亦香草也名曰

荀草或作苞草服之美人色令人更美豔

青要謂帝之密都猶以崑崙為帝之下都云耳

是果何所憑哉至謂南望墀渚禹父所化尤為

無稽夫禹之父非鯀邪考之書曰殛鯀于羽山

九載績用弗成鯀之所以誅也今以為禹父所

化何哉又以武羅人面豹文小腰白齒而繼之

曰是山宜女子吾恐其有是物而無是理因並

為說正之

又東十里曰騄音魏山其上有美棗其陰有瑇瑁之

玉正回之水出焉而北流注于河其中多飛魚其

狀如豚而赤文服之不畏雷可以禦兵

又東四十里曰宜蘇之山其上多金玉其下多蔓

居之木未瀟瀟音容之水出焉而北流注于河是多

黃貝

又東四十里曰和山其上無草木而多瑤碧實惟

河之九都九水所潛是山也五曲曲回九水出焉五重

合而北流注于河其中多蒼玉吉神泰逢司之猶吉

善也其狀如人而虎尾或作雀尾是好居于蒼山之陽出

入有光大逢神動天地氣也言其有靈爽能興雲雨也夏后孔甲田于

黃山之下天大風晦冥孔甲迷感入于民室見呂氏春秋也

九水出于和山而曰吉神泰逢司之曰出入有

光狀如人而虎尾豈山中虎妖乎雖然物之有

光疑亦得陰火之光耳今深山有燐火腐草亦

多螢火夜中望之明滅倏忽彼出入有光無乃

是類與智者知所辯矣

凡蒼山之首自敖岸之山至于和山凡五山四百

四十里其祠泰逢熏池武羅皆一牡羊副副音幗幅之幅

謂破羊骨磔之以祭也見周禮嬰用吉玉其二神用一雄雞瘞之

糝用稌

凡鬼神蓋造化氣魄之盛也怪異之物或因人

而憑以神其怪容有之此所謂泰逢及武羅是

也

中次四經釐山之首曰鹿蹄之山其上多玉其下

多金甘水出焉而北流注于洛其中多冷石去間或

或作涂西五十里曰扶豬之山其上多礪石音栗今鴈門山中出

礪石白者如水有獸焉其狀如貉貉或作獾古字而人目

其名曰麇音銀或號水出焉而北流注于洛其中

多璠石言亦出水中

又西一百二十里曰釐山其陽多玉其陰多鬼音搜

茅蒐今之菴草也有獸焉其狀如牛蒼身其音如嬰兒是

食人其名曰犀渠瀟瀟之水出焉而南流注于伊

水有獸焉名曰獺音蒼頡之頡其狀如獍犬而有鱗其

毛如彘鬣生鱗間也

又西二百里曰箕尾之山多穀多涂石其上多璆

琇之玉

箕尾之山與前山同名

又西二百五十里曰柄山其上多玉其下多銅滔

雕之水出焉而北流注于洛其中多羝羊有木焉

其狀如樗其葉如桐而莢實其名曰茈可以毒魚

茈一作艾

又西二百里曰白邊之山其上多金玉其下多青雄黃

又西二百里曰熊耳之山今在上洛縣南其上多漆其下

多椶浮濠之水出焉而西流注于洛其中多水玉

多人魚有草焉其狀如蘇而赤華名曰葶薺音亭薺

可以毒魚

又西三百里曰牡山其上多文石其下多竹箭竹

簪其獸多牝牛羴羊鳥多赤鷲音閉即鷲雉也

又西三百五十里曰譙舉之山雒水出焉而東北

流注于玄扈之水其中多馬腸之物此二山者洛

間也洛水今出上洛縣冢嶺山河圖曰玄扈洛汭謂此間也

凡釐山之首自鹿蹄之山至于玄扈之山凡九山

千六百七十里其神狀皆人面獸身其祠之毛用

一白雞祈而不糈言直祈禱以彩衣之以彩飾雞

人面獸身中難測也祠用白雞亦可醜也物以

人怪淫俗章也大君有為力可革也

中次五經薄山之首曰苟牀之山或作苟林山無草木

多怪石怪石似玉也書曰鉛松怪石也

怪石在山亦可玩也異乎怪物之無益者

東三百里曰首山其陰多穀柞草多芣芄芣山薊也芄華

中藥其陽多璵璠之玉木多槐其陰有谷曰機谷多

馱音如鉗鳥其狀如梟而三目有耳其音如錄食

之已墊

槐始見此食之已墊止昏墊也

又東二百里曰縣斲音如斤之也無草木多文石

又東三百里曰葱嶺之山無草木多摩石未詳

東北五百里曰條谷之山其木多槐桐其草多芎

藥薺冬

本草經曰薺冬一名滿冬今作門俗作耳

又北十里曰超山其陰多蒼玉其陽有井冬有水

而夏竭

凡物反常是為怪超山之井是也是故冬有水

氣專藏也夏反竭氣他泄也是恒而失恒

又東五百里曰成侯之山其上多種木似樗樹材中車轅吳

人呼樗音春其草多芄或曰輶車

又東五百里曰朝歌之山谷多美堊

又東五百里曰槐山谷多金錫

又東十里曰歷山其木多槐其陽多玉

美亞土之美者凡錫亞于銀者也錫亞于銀銅

亞于金可知矣皆山產也精粗之間造化主焉

又東十里曰尸山多蒼玉其獸多麋似鹿而小黑色尸水

出焉南流注于洛水其中多美玉

又東十里曰良餘之山其上多穀柞無石餘水出

于其陰而北流注于河乳水出于其陽而東南流

注于洛

又東南十里曰蠱尾之山多礪石赤銅龍餘之水

出焉而東南流注于洛

又東北二十里曰升山其木多穀柞棘其草多諸

蕙蕙香草也多寇脫寇脫草生南方高丈許似荷葉而莖中有瓢正白零桂人植而

日灌之以黃酸之水出焉而北流注于河其中多

璇玉石次玉者也荀卿曰璇玉瑤珠不知佩音旋

又東十二里曰陽虛之山多金臨于玄扈之水河圖

曰蒼頡為帝南巡狩登陽虛之山臨于玄扈洛

納靈龜負書丹甲青文以授之出此水中也

凡薄山之音自苟林之山至于陽虛之山凡十六

山三千九百八十二里升山冢也其祠禮太牢嬰

用吉玉首山虺也其祠用稌黑犧太牢之具蘗釀

以蘗作醴酒也干儻干儻萬儻干儻也置鼓擊之嬰用一璧尸水

合天也天神之所馮也肥牲祠之用一黑犬于上用一雌

雞于下刳一牝羊獻血以血祭也刳猶剝也嬰用

吉玉彩之又加以繒饗之勸強之也特牲饋食禮曰執奠祝饗是也

凡山曰神可也用圭以祀可也曰用雌雞黑犬

皆異說也

中次六經縞羝山之首曰平逢之山南望伊洛東

望穀城之山在濟北穀城縣西黃石公石在此山下張良取以合葬爾無草木

無水多沙石有神焉其狀如人而二首名曰驕蟲

是為螫蟲為螫蟲之長實惟蜂蜜之廬言羣蜂之所舍集蜜赤蜂名

其祠之用一雄雞禳而勿殺禳亦祭名謂禳却惡氣也

驕蟲之為異物明甚而獨謂之神何哉况曰是

為螫蟲不俟辯矣雄雞禳而勿殺所以供螫蟲

而無事于殺也夫以無知之民聽巫瞽之說其

惑人而罔利者多矣為政者乃或不能正而又

崇之豈不悖與

西十里曰縞羝之山無草木多金玉

又西十里曰鹿音如瓌山其陰多璆瑋之玉其西

有谷焉名曰藿谷其木多柳楮其中有鳥焉狀如

山雞而長尾亦如丹火而青喙名曰鴝鷄音鈴其

鳴自呼服之不昧交觴之水出于其陽而南流注

于洛俞隨之水出于其陰而北流注于穀水

又西三十里曰瞻諸之山其陽多金其陰多文石

澍音謝水出焉而東南流注于洛少水出其陰而東

流注于穀水世謂之

又西三十里曰婁涿之山無草木多金玉瞻水出

于其陽而東流注于洛陂水出于其陰世謂之而

北流注于穀水其中多菑石文石

又西四十里曰白石之山惠水出于其陽而南流

注于洛其中多水玉澗水出于其陰書曰伊西北

流注于穀水其中多麋石櫨丹皆未

又西五十里曰穀山其上多穀其下多桑爽水出

焉世謂之而西北流注于穀水其中多碧綠

又西七十二里曰密山今榮陽密縣亦其陽多玉

其陰多鐵豪水出焉而南流注于洛其中多旋龜



其狀鳥首而鼈尾其音如判木無草木

觀山水而究其名稱歸宿合動靜而一之矣山

有草木鳥獸金玉水亦有草木鳥獸金玉合水

陸剛柔之物而一之矣夫氣一也而清濁萍駁

存乎感故或有濟世之物或有傷物之物是又

合善惡純駁而一其性矣斯其能觀物哉斯其

能觀物哉發此見例

又西百里曰長石之山無草木多金玉其西有谷

焉名曰共谷多竹共水出焉西南流注于洛其中

多鳴石

晉永康元年襄陽郡上鳴石似玉色青撞

鳴石二所其一狀如鼓俗因名為石鼓即此類也

水中石虛而清越有聲曰鳴石如泗濱浮磬之

類

又西一百四十里曰傅山無草木多瑤碧厭染之

水出于其陽而南流注于洛其中多人魚其西有

林焉名曰藩

音番

冢穀水出焉而東流注于洛

今穀水出

穀陽谷東北至穀城縣入洛河

其中多珉玉

珉音堙未聞也

又西五十里曰橐山其木多樗多櫛

音備今蜀中有櫛木

七八月中吐穗穗成如  
有鹽粉者狀可以酢羹  
其陽多金玉其陰多鐵多

蕭蕭蒿見爾雅棠水出焉而北流注于河其中多脩辟

之魚狀如鼃鼃蛙屬也而白喙其音如鴟食之已白癩

又西九十里曰常丞之山無草木多聖音譙水出

焉而東北流注于河其中多蒼玉蓄水出焉而北

流注于河

又西九十里曰夸父之山其木多櫻栴多竹箭其

獸多犛牛羝羊其鳥多鷲其陽多玉其陰多鐵其

北有林焉名曰桃林是廣員三百里其中多馬桃林

今弘農湖縣闕鄉南谷中是也饒野馬山羊山牛也湖水出焉而北流注于

河其中多瑁玉

又西九十里曰陽華之山其陽多金玉其陰多青

雄黃其草多藟藟多苦辛其狀如櫛即楸字也其實如

瓜其味酸甘食之已瘧楊水出焉而西南流注于

洛其中多人魚門水出焉而東北流注于河其中

多玄礪黑砥石結音藉姑之水出于其陰而東流注

于門水其上多銅門水至于河七百九十里入雒

水

凡縞羝山之首自平逢之山至于陽華之山凡十  
四山七百九十里嶽在其中以六月祭之六月亦歲之中  
如諸嶽之祠法則天下安寧

中嶽嵩山也祭嵩而以六月郭氏所謂亦歲之  
中是也然曰如諸嶽之祠法則天下安寧似非  
所以論嵩也夫五嶽其祭同其禮而敬之者同  
何有增損是故公而不私正而無邪是鬼神  
之常也而謂其以敬慢為報施陋亦甚矣

中次七經苦山之首曰休與與或作與下同之山其上有

石焉名曰帝臺之棋帝臺神人名棋謂博棋也五色而文其狀

如鶉卵帝臺之石所以禱百神者也禱祀百神服則用此石

之不蠱有草焉其狀如蒼赤葉而本叢生石曰風

條可以為斡中箭也

帝臺之石或厥名已久好異者高其名而神其  
事因遂有禱百神之說此無俟辯也而又以帝  
臺之棋五色而文則又異矣然則莫尊者天也  
借有棋孰與為對後世凡造異以誑人主之聰  
明皆此有以啓之是何可以不論哉

東三百里曰鼓鐘之山帝臺之所以觴百神也觴舉

燕會則於此山因名為鼓鐘也有草焉方莖而黃華員葉而三成

葉三也其名曰焉酸可以為毒其上多礪其下多砥

砥礪皆磨石詩所謂他山之石可以攻玉即此

然焉酸之草當曰有毒不當曰可以為毒嗟乎

一字之差吾恐其流毒于後世者博矣是宜書

之以為戒

又東二百里曰姑媯之山音遙或無帝女死焉其

名曰女尸化為蓍音遙草其葉胥成言葉相重也其華黃

其實如菟丘黃丘菟絲也見爾雅服之媚於人為人所愛也傳曰人服媚

之如是一名荒夫草

帝神之尊者也安有所謂女哉借如或者之論

帝固能超形氣之累恐生死莫可干也而其女

又何死與至謂化為莖草曰服之媚于人尤為

不稽之甚夫小人而造言乖理是為褻天褻天

者不祥莫大焉何所取哉

又東二十里曰苦山有獸焉名曰山膏其狀如逐

卽豚字赤若丹火善詈好罵其上有木焉名曰黃棘

黃華而負葉其實如蘭服之不字字生也易曰有女子貞不字草焉負葉而無莖赤華而不實名曰無條服之不

瘦

逐郭氏以為卽豚字然曰善詈則亦怪獸而學人者矣豈猩猩類乎至若夢蘭而得之古固有之此曰服之不字恐其非常聞也

又東二十七里曰堵山神天愚居之是多怪風雨其上有木焉名曰天楸音鞭方莖而葵狀服者不噎

食不噎也

神氣之靈也天之聰明物莫先焉而曰神天愚吾恐其辭之悖也夫山川皆可以致風雨天氣無不統故也而以怪風雨繼天愚下則其為造言惑世豈必智者而後辯哉

又東五十二里曰放臯之山放或作效又作牧明水出焉

南流注于伊水其中多蒼玉有木焉其葉如槐黃華而不實其名曰蒙木服之不惑有獸焉其狀如

蜂枝尾而反古善呼好呼喚也其名曰文文

今嶺海深山有異蛇亦善呼人之名

又東五十七里曰大誓之山多璆瑋之玉多麋玉

未詳有草焉其根葉如榆方莖而蒼傷其名曰牛傷

猶言牛棘其根蒼又服者不厥厥逆氣病可以禦兵其陽狂

水出焉西南流注于伊水其中多三足龜今吳興陽羨縣

有君山山上有池水中有三足六眼龜鼈龜三足者多貴出爾雅食者無大疾可

以已腫

又東七十里曰半石之山其上有草焉生而秀其

高丈餘赤葉赤華華而不實初生先作穗上着葉花生穗間其名

曰嘉榮服之者不霆不畏雷霆霹靂也來需之水出于其

陽而西流注于伊水其中多鱸音倫魚黑文其狀如

鮒食者不睡合水出于其陰而北流注于洛多騰

音騰魚狀如鰕居遼鰕音剗鰕魚大口大目細鱗有斑彩遼水中之穴道交通者

蒼文赤尾食者不癰可以為瘻音漏瘻癰屬也中多有虫淮南子曰

雞頭已瘻

可以為瘻言可以治病夫魚目不閉故謂無妻

曰鰕然則食之不睡或取諸此

又東五十里曰少室之山今在河南陽城西俗名泰室百草木

成困未詳其上有木焉其名曰帝休葉狀如楊其枝

五衢言樹枝交錯相重五出有象黃華黑實服者

不怒其上多玉此山巔亦有白玉膏得服之即得

其下多鐵休水出焉而北流注于洛其中多鯀魚

狀如蟄蝻未詳而長距足白而對未詳食者無蠱疾可

以禦兵

足白而對言其足色向且相向也帝休之草食

者不怒必此能平肝氣者也夫肝五怒怒七情

有也而曰服者不怒故知其能平肝氣也推而

論之可以例藥草矣

又東三十里曰秦室之山即中嶽嵩高山也其上

有木焉葉狀如梨而赤理其名曰栢音郁木服者不

妬有草焉其狀如茱木似薊也白華黑實澤如嬰莢言

滑澤其名曰莖草服之不昧上多美石次玉者也啓

生啓在此山見淮南子

又北三十里曰講山其上多玉多柘多栢有木焉

名曰帝屋葉狀如椒反傷赤實反傷刺下勾也可以禦凶

又北三十里曰嬰梁之山上多蒼玉罅于玄石言

玉依黑石而生也或曰罅于樂器名形似推頭

又東三十里曰浮戲之山有木焉葉狀如樗而赤實名曰亢木食之不蠱汜水出焉而北流注于河其東有谷因名曰蛇谷言此中出蛇故以名之上有少辛細辛也

又東四十里曰少陁之山有草焉名曰蒟音剛草葉

狀如葵而赤莖白華實如嬰菓食之不愚言益器人智

難之水出焉器或作罌而北流注于役水一作侵

蒟草食之不愚要末可知今醫家以遠志菖蒲

通氣去健忘理或有之

又東南十里曰太山別有東小太山今在朱虛縣汶水所出疑此非也有

草焉名曰梨其葉狀如荻荻亦蒿也而赤華可以已疽

太水出于其陽而東南流注于沒水承水出于其

陰而東北流注于沒世謂之靖澗水

又東二十里曰末山上多赤金末水出焉北流注

于沒水經作沫

又東二十五里曰役山上多白金多鐵役水出焉

北注于河

又東三十五里曰敏山上有木焉其狀如荆白華



而赤實名曰薊音計栢服者不寒令人耐寒其陽多璵璠之玉

又東三十里曰大騮音歸之山今滎陽密縣有大騮山騮因溝水所出

其陰多鐵美玉青堊有草焉其狀如著而毛青華而白實其名曰狼音狼服之不夭言盡壽也或作芙可以為

腹病為治也一作已

凡苦山之首自休與之山至于大騮之山凡十有九山千一百八十四里其十六神者皆豕身而人面其祠毛牲用一羊羞言以羊為薦羞嬰用一藻玉瘞藻玉

玉有五彩者也或曰所以盛玉藻藉也苦山少室太室皆冢也其祠

之太牢之具嬰以吉玉其神狀皆人面而三首其餘屬皆豕身人面也

人面三首與豕身而人面神與怪與夫太室今所謂嵩山也少室其亞也而曰皆冢何哉然則山有神亦殂落與及其殂落而又冢墓與夫疑以傳疑俗之病也怪而弗辯惑之滋也任世道者將有擇乎

中次八經荆山之首曰景山今在南郡界中其上多金玉

其木多杼檀

杼音椽柱之柱

睢水出焉

睢音癰疽之疽

東南流注

于江

今睢水出新城魏昌縣東南發阿山東南至南郡枝江縣入江也

其中多丹

粟多文魚

有斑彩也

東北百里曰荆山

今在新城沐鄉縣南

其陰多鐵其陽多赤

金其中多犛

音俚

牛

犛旄牛屬也黑色出西南徼外

多豹虎其木多

松栢其草多竹多橘櫟

櫟似橘而大也皮厚味酸

漳水出焉而

東南流注于睢

出荆山至南郡當陽縣入沮水

其中多黃金多鮫

音魚

鮫鮫魚類也皮有珠文而堅尾長三四尺未有毒螫人皮可飾刀劍口錯冶材角今臨海

其獸多間麋

似鹿而大有之

又東北百五十里曰驕山其上多玉其下多青護

其木多松栢多桃枝鈎端神蟲

音鼉魚之鼉

園處之其

狀如人面羊角虎爪恒遊于睢漳之淵

淵水之府奧也出

入有光

羊角虎爪而人面曰恒遊睢漳之淵其為水怪

審矣凡山水中異物不可謂不靈也而以為神

則弗可是故正而靈曰神神則有益于民幽而

異曰怪怪則必惑于世昔昌黎韓子至南海而

馴鱷魚之暴一夕風雷徒去謂怪物不靈可乎

又東北百二十里曰女凡之山其上多玉其下多

黃金其獸多豹虎多間麋麀鹿音几似獐而大猥毛豹脚其鳥

多白鷓音驕似雉而長尾走且鳴多翟多鴝鴝大如鷓紫綠色長頸赤喙食蝮蛇

頭雄名運日雌名陰諧也

又東北二百里曰宜諸之山其上多金玉其下多

青鵠音詭水出焉而南流注于漳今滄水出南郡東滄山至華容

縣入江也其中多白玉

又東北三百五十里曰綸山其木多梓柟多桃枝

多柰栗橘櫟柰似梨而酢其獸多間麋麀音縛似菟而鹿脚青

色

又東北二百里曰陸郟音曉之山其上多璆琤之玉

其下多堊其木多杻檀

又東百三十里曰光山其上多碧其下多木神計

蒙處之其狀人身而龍首恒遊于漳淵出入必有

飄風暴雨

人身龍首志未變也飄風暴雨以類從也恒遊

漳淵未天飛也其斯以為蛟乎

又東百五十里曰岐山其陽多赤金其陰多白珉

音旻石 似王者 其上多金玉其下多青護其木多樗神涉

徒河切 一作 處之其狀人身而方面三足

赤金也白珉玉也而又曰其上多金玉將不

復疊其物與若夫人身而方面三足此無俟論

又東百三十里曰銅山其上多金銀鐵其木多穀

柞相栗橘櫟其獸多豹

又東北一百里曰美山其獸多兕牛多閭麀多豕

鹿其上多金其下多青雘

又東北百里曰大堯之山其木多松栢多梓桑多

機其草多竹其獸多豹虎麀

又東北三百里曰靈山其上多金玉其下多青護

其木多桃李梅杏 梅似杏而酢也

竹恐木屬而以爲草夫桃李梅杏皆佳暴也靈

山可以食貧民矣

又東北七十里曰龍山上多寓木 寄生也一名其宛童見爾雅

上多碧其下多赤錫其草多桃枝鈎端

又東南五十里曰衡山上多寓木穀柞多黃堊白

堊

此衡山當另為一山非中嶽

又東南七十里曰石山其上多金其下多青藪多寓木

又南百二十里曰若或作前山其上多璵璠之玉多

赭赤多邽石未詳多寓木多柘

又東南一百二十里曰彘山多美石多柘

又東南一百五十里曰玉山其上多金玉其下多

碧鐵其木多栢一作栢

又東南七十里曰謹山其木多檀多邽石多白錫

今白郁水出于其上潜于其下其中多砥礪

又東北百五十里曰仁舉之山其木多穀柞其陽

多赤金其陰多赭

又東五十里曰師每之山其陽多砥礪其陰多青

藪其木多栢多檀多柘其草多竹

又東南二百里曰琴鼓之山其木多穀柞椒柘為椒

樹小而叢生下其上有草木則蠹死其上多白珉其下多洗石其獸多

豕鹿多白犀其鳥多鳩

凡荆山之首自景山至琴鼓之山凡二十三山二

千八百九十里其神狀皆鳥身而人面其祠用一

雄雞祈瘞

禱請已埋之也

用一藻圭精用稌驕山豕也其

祠用羞酒少牢祈瘞嬰毛一璧

鳥身而人面變而大體則人類矣

中次九經岷山之首曰女儿之山其上多石涅其

木多杻榿其草多菊茱落水出焉東注于江其中

多雄黃

雄黃亦出水中

其獸多虎豹

菊始見此夫菊花也此曰草類從草也

又東北三百里曰岷山江水出焉

岷山今在汶山郡廣陽縣西大

江所出

東北流注于海

云土廣陽縣入海

其中多良

良善龜多鼉

似蜥蜴大者長一丈有鱗彩皮可以冒鼓

其上多金玉其下多白珉其

木多梅棠其獸多犀豕多夔牛

今蜀山中有大牛重數千斤名為夔

牛晉大興元年此牛出上庸郡人弩射殺得三十人擔肉節爾雅所謂魏

其鳥多翰鷲

白翰赤鷲

夏書岷山導江卽此若夫象蓋大獸也夔大牛

也此書象之始

又東北一百四十里曰崷山江水出焉

卽來山今在漢嘉嚴

道縣南江水所自出也山有九折坂出須狎似熊而黑白駁

食銅鐵也東流注大江

其陽多黃金其陰多麋塵其木多檀柘其草多薤

韭多葍即空奪脫也

又東一百五十里曰岨音居山江水出焉東流注于

大江其中多怪蛇今永昌郡有鈎蛇長數丈尾岐

又呼馬絆蛇謂此類也 多鰲音贊魚未聞其木多檜音秋柎柎剛木也中車

村多梅梓其獸多夔牛麋獬犀兕有鳥焉狀如鴉

而赤身白首其名曰竊脂今呼小青萑曲觜肉食者為竊脂疑此非也

可以禦火

又東三百里曰高粱之山其上多璽其下多砥礪

其木多桃枝鈎端有草焉狀如葵而赤華莢實白

柎可以走馬

又東四百里曰蛇山其上多黃金其下多璽其木

多枸多椽樟其草多嘉榮少辛有獸焉其狀如狐

而白尾長耳名狔狼見則國內有兵一作國有亂

禦火走馬各有用也若夫狔狼見兵能兆兵也

夫兵凶器聖人不得已而用之狔狼出沒何足

關哉

又東五百里曰鬲山其陽多金其陰多白珉蒲鸚

音 之水出焉而東流注于江其中多白玉其獸多

犀象熊羆多獾雌似獼猴鼻露上向尾四五尺

尾塞鼻孔或以兩指塞之

又東北三百里曰隅陽之山其上多金玉其下多

青護其木多梓桑其草多芘徐之水出焉東流注

于江其中多丹粟

又東二百五十里曰岐山今在扶風美陽縣西其上多白金

其下多鐵其木多梅梓梅或作蔽多柎檜減水出焉東

南流注于江





